



Masomo Muhimu ya Kiroho

Yafundishwa

Lo lote mfanyalo, lifanyeni kwa moyo, kama kwa Bwana, wala si kwa Lwanadamu. —Wakolosai 3:23.

Maisha ya Kristo tangu miaka Yake ya awali yalikuwa yamejazwa na shughuli za dhiti. Aliishi, sio kwa kujifurahisha Mwenyewe. Alikuwa Mwana wa Mungu wa milele, ila alifanya kazi na baba Yake Yusufu katika mradi wa useremala. Mradi Wake ulikuwa muhimu. Alikuwa duniani ili kujenga tabia, kwa hivyo kazi Zake zote zilikuwa hazina dosari (kamilifu). Katika kazi Zake za kawaida Aliuleta ule ukamilifu kama ule aliouhitaji kwa tabia ambazo alikuwa anazirekebisha kwa uwezo Wake wa Uungu. Yeye yu kielelezo chetu.

Wazazi wanapaswa kuwafundisha watoto wao thamani na matumizi sahihi ya wakati. Wafundishe kwamba kufanya lile litakalomtukua Mungu na kuwanufaisha wanadamu, hayo ndiyo ya kuyapigania. Hata katika maisha yao ya utoto, wanaweza kuwa wajumbe wa Mungu....

Katika aina yoyote ya kazi tutakayofanya, Neno la Mungu linatuashiria kuwa "kwa bidii si walegevu, mkiwa na juhudi katika roho zenu, mkimtumikia Bwana" (Warumi 12:11). "Lolote mkono wako utakalolipata kulitenda, ulifanye kwa nguvu zako" (Mhubiri 9:10). "Mkijua ya kwamba mtapokea kwa Bwana ujira wa urithi Maana mnamtumikia Bwana Kristo" (Wakolosai 3:24) (Christ's Object Lessons, 345, 346).

Masomo yanayotolewa kwa watoto kuhusu kazi za kawaida za nyumbani yanaweza kuwasilishwa kwa njia ambayo kupitia kwao Bwana anaweza kufanya mguso wa kudumu mioyoni mwao. Tengeneza mambo haya ya kawaida ya maisha kuwa maandiko ambayo kwayo unaweza kutundika masomo ya Neno la Mungu. Onesha watoto wako kwamba kazi zao zote katika kada ya umakanika lazima wajifunze kuzifanya kwa ukamilifu. Kwa kuleta usahihi na ustadi katika majukumu yao ya kila siku watajifunza masomo ya kiroho ambayo yatabaki nao siku zao zote. Mungu anahitaji kwamba uamuzi mzuri na ustadi vitumike katika mipango na kazi zetu. Katika kutoa maagizo kwa ajili ya ujenzi wa hekalu la duniani, Mwalimu Yesu Kristo aliweka kanuni ambazo zilipaswa kuwa za msaada wa kiroho kwa Israeli katika uzoefu wao wote wa wakati ujao. Hekima na ukamilifu uliotolewa katika kazi hiyo ulikuwa mfano wa kazi iliyoipaswa kufanywa katika maisha yao katika kuandaa mioyo yao kwa ajili ya Roho wa Mungu kukaa moyoni.

Wazazi, je, mnauliza kazi yenu ni ipi? Ni kutenda majukumu ya nyumbani kwenu, mkifanya kila mwezalo, na mkiomba kila siku, kila saa, kuweka mbele ya watoto wenu mfano unaostahili kuigwa.... Hebu mafundisho yenu yawe yale ambayo yataleta furaha na raha maishani mwao, na kuwaongoza kuitamani huduma ya Yesu. Wafundishe kutumia nguvu zao walizopewa na Mungu katika huduma Yake. Kwa njia hiyo watakuwa wakifuata mfano wa mtoto Yesu (The Signs of the Times, Novemba 14, 1911).